


太上三生解冤妙經



純陽祖師序

丙寅春余遊滇池路適洱陽玩棋於
彩雲之鄉飲酒於青海之上停鶴俯
視則見夫前有飛鳳後有臥龍九峯
高聳一塔崢嶸不禁喟然歎曰山環



水繞地靈人傑此邑真堪教化也無
乃正談之際忽來

真官趙某俯伏而請曰茲有

勸善壇中王知善等重刊解冤妙經
延序於余余遂啓函讀之斯經也乃

正一天尊受之於

太乙天尊

太乙天尊受之於淨梵王宮其閒取
意立言皆為衆生解釋冤孽詞旨精
詳明白曉暢不俟講解了然於心後

又加以保身避冤催產符篆予閱至
終竊欣然喜曰

天尊愛護生民心誠切矣意識美矣
但是經之流傳於宇宙亦匪伊朝夕
而時值末年屢遭兵燹真板失傳非
有諸生等倡首鏤鐫不幾將

天尊大慈大悲之念竟置於不見不
聞之地也耶今則幸甚了書片言以
為序云

同治五年春二月降

文化遺產
相繼傳承

志心皈命禮

青華聖境東極上宮。十方化號度衆
生。百億瑞光瞻妙相。卽隨機而赴感。
由誓願之弘深。九色蓮花作慈航之
彼岸。一枝楊柳開甘露之法門。無量
度人。大慈仁者。大悲大願。大聖大慈。
太乙尋聲救苦天尊。青玄九陽上帝。
太上三生解冤妙經。
爾時尋聲救苦天尊與諸侍從。巡遊
十方世界。化度衆生出離苦海。令歸

正道不入邪宗。觀見西方於內一國。
王號淨梵。此國人民多生淫殺不造
善功。多沉地獄。多失人身。念彼衆生
遂卽化身下降。其國王夜夢神報來
曰。天真自東而至。何不迎之。王心不
寐。坐而待旦。詔衆大臣。后妃天親及
諸市民。遠離本所迎接。
天尊至於城西。有一大園樓閣嚴整。
花大繁盛。是時
天尊在七寶殿內。金龍座上。天童侍

衛國王大臣后妃天親及諸市民座
下圍繞觀聽演說正一妙法俄然瑞
氣盈園天花交散大衆驚異喜悅難
言時有皇后及諸貴妃燒香拜禮跪
而告曰敝居小國愚魯之邦未嘗得
聞如斯高玄妙道今日遇值深爲幸
矣有少短意欲誦道前伏願
洪慈特賜允許

天尊曰汝有何言盡心而說
皇后告曰今王年老子嗣未立先有所懷數

月之中。遂致損落。其或月滿。所得男女。或一歲二歲。或三歲。或五歲之間。即便死亡。未知前生今世何罪。致得如是。若蒙哀憫。則仰授訣言。

天尊曰。是汝前生之中。懷孕不慎。殺落其胎。兒女心內憎嫌。故得今身如此之報。恐汝不信。吾今攝此冤魂。汝當親問。

天尊指處。皇后視之。見一夜叉面如菜藍。眼如怪星。指皇后而言。前生之

時我受陰注投你爲母。你身年幼。全無惜護。隨性作爲。因此不慎。殺落我身。今欲還報緣汝前世生居中國。敬奉

天地日月星辰。勤侍舅姑。孝順父母。

欽崇三寶。至重善人。塑像造經。略無慳惜。蓋殿修壇。竭力施爲。憫憐困苦。濟惠貧寒。積此善功。今生證爲小國之後。若非此福。我卽殺你。料應多日。皇后聞言。心神懼怕。戰戰兢兢。拜跪

道前我有先身。曾作如是。今日雖知悔之何及。伏望

天尊略示方便。捨自己之財。盡爲布施。願求解釋。

天尊曰。善哉善哉。汝雖前生建大功。

德廣作福田。卽知不會懺悔。身中之冤結。吾昔於

正一天尊。受三生解冤妙經。汝當隨吾精心誦之。冤業自消。夫人稟

天地而生。構陰陽而成。三月之外。始

分男女。可保而不可傷。可養而不可
害。命與大人一體無異。誤損有落。便
成冤債。一日造冤。三世報還。豈不怖
哉。迷昧衆生。倚恃年壯。懷孕之時。全
無將護。恣意而行。登高跳下。負重急
走。或跨騎勞形。或陰陽不慎。或撞或
隱。或搦或按。或撲或揉。或服藥而損。
或鍼刺而傷。或餐毒魚惡肉。或喫硬
物冷漿。如斯等事。妊孕多傷。或是自
作。或教他爲。殺害之因。焉能盡說。前

生所作。今身報還。致使懷孕。多病。疼痛。纏綿。飲食減少。行立艱難。皮膚腫破。腰似錐鑽。期明視夜。一日如年。受此痛苦。唉。至月足臨產。多般。或連日不分。或橫逆不順。親姻恐懼。眷屬憂慌。當此之時。冤家來害。苦痛非常。或母活子死。或子活母死。或子母俱亡。皆爲橫夭之魂。若得托生。依前再受。若未托生。纏害親姻。若遇此經。志心持念。一切冤業。盡總消除。卽說。

咒曰

晨昏連度

耀明古今

萬類受稟

結化成形

冤業悞染

三世相侵

正一之氣

解免冤魂

聞之即散

聽之離分

天丁甲卒

扶護无傾

速生速免

各得安寧

元皇符命

時刻不停

急急如律令

是時念經七遍。夜叉於座前拜謝。
天尊。我今承斯功德。徑往中土。托生
富貴之家。拜謝而去。衆人聞之。皆大
歡喜。

天尊曰。此經非獨解一人之冤結。汝
等各發誠心。誦經百遍。一國之人。應
有冤結。悉皆解脫。於是會下。同聲誦
之。至於百遍。驀見陰雲四布。黑霧之
中。瑞氣垂空。諸多類拜而言。我等特
蒙

天慈降賜經法。一國冤結已生。未生
罪無輕重。咸皆解脫。倏忽之間。雲收
霧歛。天氣朗清。人民歡慶。讚謝
天恩。衆等告曰。然賴道力。普得濟度。
雖無即日之冤。慮有他時所犯。作何
預修功德。永離此苦。

天尊曰。吾今說此三生解冤妙經。若
有善男子。善女人。每日燒香誦經三
遍。已身冤結盡皆消滅。如精心抄一
本與人。合家眷屬同霑福惠。若復有

人。胎氣怯弱。或數落不安。轉禮此經。卽得安穩。必得智慧。男女如睡夢中。閒常見亡過兒女。此是冤業。又待重來。精心每日旦暮燒香拜禮此經。冤魂自退。普無驚怖。若復有人臨產多難。卽於難月之前。請正一道士法師對三清聖像。焚香誦經。遂感善神護祐。誕育順理。則無冤橫之災。子母痊安。各保天年之壽。如行住坐臥。精誠持

念後世爲人富貴聰明形容端正。子
孫榮旺。護福無量。歎斯因緣。而作偈
曰。

衆生多結冤
一日結成冤

冤深難解結
三世報不歇

我今傳妙經
聞誦志心聽

解除諸冤業
冤家自消滅

是時

天尊說經既畢。諸仙天聖來迎。

天尊巡遊他方。濟拔羣品。再爲國王。

后妃曰。自後依奉正道。即生孝慧之男。吾今付汝靈符三道。朱書吞之。一符保身。一符避冤魂。一符催速生。汝等可以教世人。遵敬奉行。

右附靈符



太上三生解冤妙經

太乙尋聲救苦慈尊。衆生有冤悉稱
名。虔誠誦妙經。解釋前愆。冤業兩離
分。稱念

太乙尋聲救苦大天尊三

大唐長安。寧夏衛。仁德鄉。劉門李

氏。因乏嗣。當天許願。刊梓

太乙天尊三生解冤妙經。印送一千
卷。後即身懷六甲。臨盆有慶。雙生
二子。惟願十方善信。精誠持念。自
然貴子聯生。獲福無量矣。

昔

天
同治五年 月

雲邑

弟子

重刊

穀旦

臥雲

恭繕

東城外

勸善壇內存板



